

PM sampaikan ucaptama di Ekspo dan Persidangan Makanan Halal Antarabangsa

um-15/7/2004: 4 Perdana

KUALA LUMPUR 14 Julai — Perdana Menteri, Datuk Seri Abdullah Ahmad Badawi akan menyampaikan ucaptama dan sekali gus merasmikan Ekspo dan Persidangan Makanan Halal Antarabangsa Malaysia (MIFB 2004) di Pusat Dagangan Dunia Putra (PWTC) di sini, esok.

MIFB 2004 yang berlangsung selama tiga hari itu adalah anjuran Kumpulan Utusan dan Expomal Network Sdn. Bhd.

Pengarah Urusan Utusan Media and Sales Sdn. Bhd., Adi Satria berkata, majlis perasmian majlis itu akan bermula pukul 3.30 petang esok dan Perdana Menteri akan menyampaikan ucaptama berjudul, 'Pusat Halal Sedunia - Perspektif dan Cabaran.

Menurut beliau, pada hari yang sama, Menteri Pertanian dan Industri Asas Tani, Tan Sri

Muhyiddin Yassin akan turut menyampaikan ucapan bertajuk, Makanan Halal-Definisi dan Pengalamanan Praktikal.

"Ekspo ini akan dibuka kepada para peniaga dan usahawan tempatan seawal lapan pagi selama tiga hari berturut-turut mulai esok.

"Bagaimanapun, orang awam hanya dibenarkan berkunjung pada hari ketiga sahaja sementara masuk adalah percuma," katanya pada sidang akhbar sempena pra lawatan persiapan akhir ekspo dan persidangan MIFB 2004 di Jejak UMNO, PWTC di sini hari ini.

Ekspo dan persidangan MIFB 2004 mendapat penyertaan lebih dari 15 buah negara termasuk China, Afrika Selatan, Hong Kong, Thailand, Pakistan, Sri Lanka, Myanmar, Bangladesh dan India.

Tema MIFB 2004 pula

adalah 'Pasaran Berbilang Ringgit' dan negara China disahkan sebagai peserta terbanyak dengan menyediakan 22 buah gerai daripada 150 buah gerai keseluruhannya.

Turut menarik perhatian para atur cara MIFB 2004 adalah demonstrasi masakan oleh beberapa chef masakan terkenal dari Asia dan tempatan.

Sementara itu, Pengarah Urusan Expomal Network Sdn. Bhd., L.S. Chan berkata, usahawan dan para peniaga yang masih belum mendaftar tetapi berminat untuk berkunjung ke ekspo dan persidangan MIFB 2004, masih boleh berbuat demikian esok.

"Setakat ini, kita sudah menerima pendaftaran sebanyak 3,000 orang tetapi sasaran kita adalah melebihi 5,000 setiap hari," ujarnya.